



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ  
ԵՎ ՍՊՈՐՏԻ ՆԱԽԱՐԱՐՈՒԹՅՈՒՆ  
ԳԼԽԱՎՈՐ ՔԱՐՏՈՒՂԱՐ  
**ՀՐԱՄԱՆ**

No 133-Ա/3

«14» օգոստոսի 2024թ.

**«ՏԷՏԷ ՀԱՇՎԱՊԱՀՈՒԹՅՈՒՆ» ՍՊԸ- ԻՆ ԳՆՄԱՆ ԳՈՐԾԸՆԹԱՑԻՆ ՄԱՍՆԱԿՑԵԼՈՒ  
ԻՐԱՎՈՒՆՔ ՉՈՒՆԵՑՈՂ ՄԱՍՆԱԿԻՑՆԵՐԻ ՑՈՒՑԱԿՈՒՄ ՆԵՐԱՌԵԼՈՒ ՄԱՍԻՆ**

Հիմք ընդունելով ՀՀ ֆինանսների նախարարության կողմից 2024թ հուլիսի 18-ի դրությամբ հրապարակված գնումների գործընթացին մասնակցելու իրավունք չունեցող մասնակիցներին փոխկապակցված անձանց վերաբերյալ ցուցակը՝ համաձայն որի «ՀՀԿԳՄՍՆԷԱԾԾՁԲ-24/56» ծածկագրով էլեկտրոնային աճուրդի ընթացակարգի մասնակից «ՏԷՏԷ ՀԱՇՎԱՊԱՀՈՒԹՅՈՒՆ» ՍՊԸ-ի փոխկապակցված անձ («Հոթել Հայվ» ՍՊԸ-ն՝ 12.05.2023-12.05.2025թթ ժամանակահատվածով) գտնվում է գնումների գործընթացին մասնակցելու իրավունք չունեցող մասնակիցների ցուցակում և այն, որ «Տէտէ հաշվապահություն» ՍՊԸ-ն ՀՀԿԳՄՍՆԷԱԾԾՁԲ-24/56 ընթացակարգի հրավերի 1-ին մասի 2.3 կետի համաձայն Հավելված 1 Դիմում-հայտարարությամբ հայտարարել և հավաստել է, որ իր հետ փոխկապակցված անձինք բավարարում են հրավերով սահմանված մասնակցության իրավունքի պահանջներին, ուստի ՀՀ կառավարության 2017 թվականի մայիսի 4-ի N 526-Ն որոշմամբ հաստատված «Գնումների գործընթացի կազմակերպման» կարգի 32-րդ կետի 1-ին ենթակետի «բ» պարբերության և 19-րդ ենթակետի պահանջների համաձայն՝ «ՏԷՏԷ ՀԱՇՎԱՊԱՀՈՒԹՅՈՒՆ» ՍՊԸ-ի գնումներին մասնակցելու իրավունք ունենալու մասին հավաստումը որակվում է որպես իրականությանը չհամապատասխանող և այդ հանգամանքը համարվում է որպես գնման գործընթացի շրջանակում ստանձնած պարտավորության խախտում, քանի որ «Գնումների

մասին» ՀՀ օրենքի 6-րդ հոդվածի 1-ին մասի 6-րդ կետով նախատեսված ցուցակում ներառվելը, դրանում գտնվելու ժամանակահատվածում, ինքնաբերաբար հանգեցնում է վերջինիս հետ փոխկապակցված անձանց գնումների գործընթացին մասնակցության իրավունքի սահմանափակմանը:

Հիմք ընդունելով վերոգրյալը և ղեկավարվելով «Գնումների մասին» ՀՀ օրենքի 6-րդ հոդվածի 2-րդ մասով և «Գնումների մասին» ՀՀ օրենքի 6-րդ հոդվածի 1-ին մասի 6-րդ կետի «ա» ենթակետով՝

### ՀՐԱՄԱՅՈՒՄ ԵՄ

1. «ՏԷՏԷ ՀԱՇՎԱՊԱՀՈՒԹՅՈՒՆ» ՍՊԸ-ին (ՀՎՀՀ՝ 08914703, գործունեության հասցեն՝ ք.Երևան, Մանանդյան 22) ներառել գնումների գործընթացին մասնակցելու իրավունք չունեցող մասնակիցների ցուցակում:

8/14/2024

X 

ՀԱՍՄԻԿ ՀԱԿՈԲՅԱՆ

ԳԼԽԱՎՈՐ ՔԱՐՏՈՒՂԱՐ

Signed by: HAKOBYAN HASMIK 5610800161

Հ. ՀԱԿՈԲՅԱՆ